

事物異名錄

事物異名錄卷七

慈谿 厲靜菴先生荃 原輯

仁和 鬲晉軒先生槐 增纂

倫屬部

君

元后 書元后作民父母

林丞 爾雅疏平地有叢木曰林天生丞民樹之以君而司牧之然則人物之衆必立君長而司牧之故以林丞爲君也李湛然寶希城碑佐林丞而平水土

荃宰 任昉宣德皇后令荃宰有寄註香草喻君

人天 劉禹錫砥石賦君爲人天

父

乃公 漢書陳萬年傳萬年嘗病召咸敬戒於牀下夜
半咸睡頭觸屏風萬年大怒欲杖之曰乃公教戒汝
反睡不聽何也

家尊 晉書謝安問王獻之君書何如君家尊

家公 晉書山簡年二十餘濤不之知簡嘆曰吾年已
三十而不爲家公所知又祖父通稱

阿公 宋書顏延之傳何偃呼顏公顏曰身非三公又
非田舍公又非君家阿公何見呼爲公偃慙

兄兄 北史齊南陽王綽傳綽兄弟皆呼父爲兄兄
阿爹 南史梁始興王憺傳始興王人之爹按荆土方

言謂父謂爹韓愈祭女畢女文阿爹阿八

阿多 唐書回紇傳俗以父爲多德宗正元六年回紇
可汗謝其次相曰惟仰食於阿多又日本圖纂日本
人呼弟曰阿多

家君 前趙錄王雋兄密曰家君見背遺孤相長以至
于今

嚴君 東軒筆錄易曰家人有嚴君焉父母之謂也范
滂與母別曰惟願大人割愛是母亦可稱嚴君大人
也

家翁 山堂肆考郭子儀子曖尙昇平公主嘗與爭言
子儀囚曖入待罪上曰不癡不聾不爲家翁兒女子

閩房之言何足聽也

巴駝 真臘風土記其俗呼父爲巴駝

靈椿 厚德錄馮道贈竇禹鈞詩靈椿一枝老僊桂五枝芳靈椿謂禹鈞生五子儀儼侃僊僊

郎罷 顧況回詩自註回音塞閩俗呼子爲回父爲郎罷

老相 老子 正字通吳下稱父曰老相自江北至北方曰老子

八八 巴巴 正字通夷語稱老者爲八八或巴巴後人加父作爸字吳人呼父曰爸

乃翁 宋楊秀詩大兄怒叫小兒啼乃翁對竹方溪詩

阿爺 樂府木蘭詞阿爺無大兒木蘭無長兄

假父 唐書李錡傳番落健兒皆錡心腹號錡爲假父

以下
義父

養父 五代史劉后傳莊宗命后拜張全義爲養父

俗父 後邨題跋學佛者以師爲父以父爲俗父 僧父

喬梓 尚書大傳商子曰喬父道也梓子道也按今稱

人父子爲喬梓本此 父子總稱

母

嫠 爾雅註江東呼母爲嫠

嬬 博雅嬬母也

阿嬈 阿媽 逸雅齊人呼母爲嬈李賀稱母阿嬈江

南曰阿媽或作姥或呼爲嫺皆母字之轉也、

北堂 野客叢書今人稱母爲北堂萱蓋祖毛詩伯兮篇焉得諼草言樹之背其意初未嘗言母也不知何以遂相承爲母事

聖善 北夢瑣言張相國濬未第時有道士勉其入蜀適遇聖善疾苦未果道者乃遺兩粒丹相國得藥奉親所疾痊復按詩母氏聖善故遂以聖善名母

阿姨 齊春秋平安王子懋年七歲因母阮淑媛病篤請僧行道有獻蓮花供佛者子懋祝曰若使阿姨獲祐願花竟齋如故

媼 社 姐 媒 米 字典方言南楚之間母謂之

媼淮南子西家子謂其母曰社說文蜀人謂母曰妯
吳人曰媒真臘風土記呼母爲米音皆自母而變

嫛嫛 字典俗呼母爲嫛嫛

堂萱 范成大詩眼看庭玉成名後身及堂萱未老時

因母 儀禮繼母之配父與因母同註因母嫡母也以下

母嫡

民母 漢書衛青傳青爲侯家人少時歸其父父使牧
羊民母之子皆奴畜之不以爲兄弟數註民母嫡母
也

君母 南史劉苞傳苞奉君母朱夫人及所生陳氏並
扇席溫枕叔父繪常歎服按君母嫡母也

家家

北史齊南陽王綽傳綽兄弟呼嫡母爲家家

大姉姊

字典北齊太子稱生母爲姊姊至宋則呼嫡

母爲大姉姊妻於嫡母亦然宋高宗母韋氏稱徽宗

后爲大姉姊見后妃本傳

諸母

禮記諸母不漱裳註諸母父妾之有子者

以下庶母

少母

朱子語錄五峯南軒稱妾母爲少母據爾雅亦

有少姑之文想是本此

支婆

陸游家世舊聞先世以來庶母皆稱支婆

假母

漢書衡山王傳人有賊傷后假母者註繼母也

一曰父之旁妻

繼母

食母

禮記大夫之子有食母按食母乳母也

以下乳母

湮姆 表異錄諸事拾遺屬之乳姐傳以湮姆

阿箸 山堂肆考俗謂乳母之婿曰阿箸 乳母夫

祖父

王父 爾雅父之考爲王父

大父 後漢鄭當時傳其知交皆大父行天下有名之士也按大父謂祖父也又劉敬傳云豈嘗聞外孫敢與大父抗禮哉是外祖亦稱大父

太公 後漢李固傳自太公以來積德累仁何以遇此 註太公謂祖父也

家公 後漢侯霸傳註子孫稱其祖父曰家公

太翁 南史鬱林王紀年五歲歲高帝前帝鑷白鬚問

孫曰我誰耶答曰太翁

阿翁 世說張蒼梧是張憑之祖嘗語憑父曰我不如

汝汝有佳兒憑方數歲歛手曰阿翁詎宜以子戲父

波 吳船錄蜀中稱尊者爲波祖及外祖皆曰波

鼻祖 方言鼻祖始祖也始祖

長祖 次長祖 北史周宣帝紀九族稱高祖者爲長

祖曾爲次長祖高曾祖

曾翁 杜甫詩汝門請從曾翁說註曾祖也 曾祖

祖母 附外祖母

王母 爾雅父之妣爲王母

大母 漢書文三王傳李太后親平王之大母也註祖

母也

太母 老學菴筆記太母祖母也猶謂祖爲大父

嫜嫜 字典北人呼外祖母曰嫜嫜外祖母

伯叔 附伯叔母

諸父 詩諸父兄弟備言燕私註諸父伯父叔父也

從父 朱子語錄伯叔皆從父也

世父 爾雅父之昆弟先生爲世父後生爲叔父伯父

仲父 釋名父之弟曰仲父仲中也位在中也以下叔父

季父 史記項籍傳其季父項梁按季父卽叔父也

世母 爾雅父之兄妻爲世母伯母

季母 後漢西域傳註叔母曰季母叔母

姑 附祖姑

內賓 儀禮主人洗獻內賓於房中註內賓姑姊妹也

王姑 爾雅王父之姊妹爲王姑 祖姑

兄弟 附嫂

手足 三國志王修謂袁譚曰兄弟者手足也

昆友 梁書時人以王銓王錫爲玉昆金友

崑玉 吳錄陸機兄弟生華亭人比之崑岡出玉因名

崑玉

棣友 清異錄竇禹鈞生五子子儀等友愛天至儀曰

吾與汝真棣友也

友于 野客叢書洪駒父云世爲兄弟爲友于子孫爲

貽厥歇後語也子美詩曰山鳥幽花皆友于退之詩曰誰謂貽厥無基址雖韓杜未能免俗

母兄 母弟 公羊傳母弟稱弟母兄稱兄註母弟同母弟母兄同母兄 同母兄弟

阿于 晉書西戎傳鮮卑謂兄爲阿于 以下兄

昆 說文周人謂兄曰昆

荒 釋名兄荒也荒大也青徐人謂兄爲荒

况 研北雜志兄况於父故俗語爲况

哥 原始呼兄曰哥見漢武故事

卯君 山堂肆考蘇子由已卯生東坡呼爲卯君 弟

邱嫂 漢書註孟康曰邱空也兄亡獨有嫂也張晏曰

邱大也長嫂之稱按張義爲優嫂

姊妹附妹壻

娚說文楚謂姊爲娚以下姊

女兄山堂肆考宋司馬光五六歲弄胡桃女兄爲脫

其皮按女兄姊也

女弟史記佞幸傳延年女弟善舞上見心悅之按女

弟妹也以下妹

娚唐書宗室傳同安公主高祖同母娚也按娚同妹

外妹、外弟左傳聲伯嫁外妹管于奚之女於施孝

叔以外弟爲大夫按註外弟管于奚之子則外妹亦

爲異父之妹也異父弟妹

媚 表異錄妹婿曰媚出公羊傳

妹婿

夫妻

伉儷 左傳已不能庇其伉儷疏伉儷者言其相敵之匹耦

比肩人 三異記吳中陸東美妻朱氏並有容止寸步不離號曰比肩人

良人 儀禮士昏禮註婦人稱夫曰良孟子良人者所仰望而終身也又詩見此良人毛傳云美室也

以下

卿卿 世說王戎婦嘗呼戎卿戎曰婦人卿婿不敬後勿復爾婦曰親卿愛卿是以卿卿我不卿卿誰復卿卿韓偓詩小疊紅箋書恨字與奴方便寄卿卿

大家 因話錄崔吏部樞夫人太尉西平王女也西平
生日大宴有小婢附崔氏婦耳語王問何事女對曰
大家昨夜小不安王曰汝爲人婦豈有阿家體不安
而與父作生日遽遣走擔子歸

蕭郎 山堂肆考蕭郎卽蕭史也後世女夫通稱唐詩
嫁得蕭郎愛遠遊又單呼爲郎

所天 潘岳寡婦賦序少喪父母適人而所天又殞按
夫者婦所天故謂夫曰所天

君婦 詩君婦莫莫箋凡嫡妻稱君婦事舅姑之稱也
以下

內主 左傳齊侯使晏嬰請繼室於晉叔向對曰惠顧

敝邑賜之內主。

內子 禮記大夫內子有殷事亦之君所註內主卿大夫之適妻也。

房中 禮記曾子問衆主人卿大夫士房中皆哭註房中婦人也按俗謂妻爲房下亦此意。

細君 漢書東方朔傳歸遺細君又何仁也按細君朔妻名或曰細小也。

累重 漢書不敢復將其累重還歸故地註累重謂妻子也。

正室 北史崔暹傳文襄盛寵王昭儀欲立爲正室按妻謂之正室。

小君 鳳池編唐李紳爲相時俗尙輕綃紫蘸碧爲婦人衣紳自爲小君裁剪

鄉里 西溪叢語南史張彪傳呼妻爲鄉里云我不忍令鄉里落他處今會稽人言家里其意同也

夫娘 娘子 輟耕錄苗人謂妻曰夫娘又都下自庶人妻以及大官之國夫人皆曰娘子

河東獅子 東坡集陳慥妻柳氏頗悍季常畏之東坡以詩戲之末云忽聞河東獅子吼拄杖落手心茫然
以下
悍妻

臘脂虎 表異錄朱氏沈慘狡妒嫁爲陸愼言妻愼言宰尉氏政不在已吏民語曰臘脂虎

女君 釋名妾謂夫之嫡妻曰女君 妾稱嫡妻

姬妾

如夫人 左傳齊侯多內寵嬖妾如夫人者六人

小婦 漢書元后傳註小婦妾也

小妻 漢書枚乘孽子臯之母小妻不肯隨乘

旁妻 漢書王禁多娶旁妻按旁妻妾也

側室 謝靈運詩陸展染白鬚欲以媚側室又左傳趙

有側室曰穿是支子亦名側室

下妻 表異錄有男子遮立國將軍車曰漢氏劉子與

成帝下妻子也下妻二字奇

外婦 漢書高五王傳齊悼惠王肥其母高祖微時外

婦也註謂與旁通者

子

息 戰國策老臣賤息舒祺最少按子謂之息

庭玉 晉書謝安戒約子姪立曰如芝蘭玉樹欲使生於階庭耳范成大詩眼看庭玉成名日

石麒麟 南史徐陵年數歲家人攜以候寶誌寶誌摩其頂曰天上石麒麟也

崽子 水經注弱年崽子正字通崽因音義通湘沅之間凡言子曰崽又表異錄變童一曰崽子美童也

家兒 世說孔子家兒不知罵曾子家兒不知怒

珠兒 掌珠 述異記越俗生男謂之珠兒又白居易

詩掌珠一顆兒三歲

仙桂 厚德錄馮道贈竇禹鈞詩曰仙桂五枝芳說見

前父

糞土息 表異錄自稱子曰糞土息

鳳毛 搜采異聞錄宋孝武嗟賞謝鳳之子超宗曰殊有鳳毛令人以子爲鳳毛多謂出此

鳳雛 白居易送崔侍御生子詩香水盆中浴鳳雛

阿囷 陸游詩阿囷畧知郎罷老按閩俗呼子爲囷

樹子 穀梁傳無易樹子按諸侯之適子天子命爲之

嗣者曰樹子 以下嫡子

宗子 禮記祭必告於宗子按宗子家子也卽嫡長子

也又同姓亦曰宗子

門子 周禮小宗伯其正室皆謂之門子註門子嫡子也將代父當門者也

介子 禮記介子某薦其常事按謂庶子也 以下庶子

別子 支子 儀禮其適夫人之次子或衆妾之子曰

別子亦曰支子

家督 史記越世家家有長子曰家督 長子

季豹 山堂肆考季豹小男也 少子

所子 漢書註所子言養弟子以爲子 以下繼子

螟蛉 野客叢書今呼非所生之子爲螟蛉觀南史宋明帝負螟之慶言廢帝非所生也知此說尙矣

釐子 健子 方言東楚凡人罌乳而雙生謂之釐子

秦晉間謂之健子關東謂之孿 以下雙生子

孿子 侯鯖錄戰國策孿子之相似惟其母知之

跨竈 天祿識餘海客日談曰馬前蹄之上有兩空處

名竈門馬之良者後蹄印地之痕反在前蹄印地之

前故名跨竈言後步趨過前步也人謂竈上有釜釜

字從父跨竈則越父矣殆猶強說 賢子

無狀子 漢書杜欽傳杜業爲函谷關都尉會定陵侯

長有罪當就國長舅紅陽侯立與業書曰誠哀老姊

垂白隨無狀子出關註無狀猶言不肖 不肖子

嫂

冢婦 介婦 禮記內則介婦請於冢婦註介婦衆婦
熟 植長 釋名荆豫人謂長婦曰熟熟祝也祝始也
青徐人謂長婦曰植長禾苗先生者曰植取名於此
也

女

巫兒 漢書地理志令國中民家長女不得嫁名曰巫
兒爲家主祀

耳耳 魏志崔琰傳諺言生女耳耳非佳語

珠娘 述異記越俗以珠爲上寶生女謂之珠娘

門楣 山堂肆考唐元宗寵楊妃當時謠曰男不封侯
女作妃君看女却是門楣

孫

後昆 書垂裕後昆

子姓 楚語率其子姓從其時享按子姓謂孫也

詒厥 野客叢書世謂子孫爲詒厥歆後語也說見前

兄弟

耳孫 漢書註應劭曰元孫之子爲耳孫言其去高曾

益遠但耳聞之也 以下遠孫

雲仍 爾雅昴孫之子爲仍孫仍孫之子爲雲孫陸游

詩苦心猶欲付雲仍

來仍 黃庭堅文方燕及於來仍闔門戶之嵯峨

姪 附姪女

猶子 禮記兄弟之子猶子也

同產子 漢書平帝紀若子同產子者皆得以爲嗣註
子同產子者爲養昆弟之子爲子者

家駒 晉書苻朗幼懷遠操堅嘗目之曰吾家千里駒
也按朗爲堅姪

從子 朱子語錄漢人稱從子却得其正蓋伯叔皆從
父也

猶女 北夢瑣言韋宙出鎮南海有小將劉謙氣宇殊
異乃以從猶女妻之按兄弟之子爲猶子則兄弟之
女亦可謂猶女矣 姪女

妻父母 附妻伯叔

外舅 外姑 爾雅妻之父爲外舅妻之母爲外姑又
妻父謂之外父

父姪 母姪 方言南楚潁淮之間謂婦妣曰母姪婦
考曰父姪

嶽丈 泰水 山堂肆考孫持正云俗呼人之妻父爲
嶽丈以泰山有丈人峯丈人觀也而呼妻母爲泰水
此何義耶

婦公 後漢第五倫傳帝戲問倫曰聞卿爲吏笏婦公
寧有之耶對曰臣三娶皆無父 以下岳父

婦翁 魏志太祖紀伯玉三娶孤女謂之樛婦翁

令岳 青城山記青城山爲五岳之長故名丈人峯今

世俗呼人婦翁爲令岳因此

丈人 野客叢書僕觀三國志裴松之註獻帝舅車騎將軍董句下謂古無丈人之名故謂之舅松之宋元嘉時人呼婦翁爲丈人已見於此

泰山 書影丈人謂之泰山元宗開元十三年封禪泰山張說爲封禪使說壻鄭鎰本是九品官舊例封禪後自三公已下皆轉遷一階一級惟鎰以封禪使壻驟遷至五品兼賜緋服因大酺次元宗見鎰官位騰跳怪問之鎰無詞以對僂人黃幡綽奏曰此乃泰山之力也因此以丈人爲泰山

列岳 青城山記妻之伯叔父爲列岳妻伯叔

婿

女倩 史記倉公傳黃氏諸倩註倩女倩也

半子 唐書回紇傳德宗詔咸安公主下嫁回紇可汗可汗上書恭順言昔爲兄弟今婿半子也

東坦 世說郝太傅覓婿逸少東牀坦腹卧如不聞因嫁女與焉劉溥題鄭廸畫詩伯也從容性非懶仲也謙恭我東坦按卽以東坦爲婿名矣

布代 三餘帖馮布少時贅於孫氏其外父有煩瑣事輒曰俾布代之至今吳中以婿爲布代

嬌客 避暑漫抄秦檜有十客吳益以愛婿爲嬌客館甥 稗海序吾鄉鈕石溪先生藏書至數千函余爲

先生長公館甥故時得縱觀焉按孟子帝館甥於貳室
甥但名甥今乃連館言之又爾雅姑舅妻之兄弟姊妹
之夫皆曰甥

上下同門 因話錄楊僕射於陵在考功時與李師稷
及第至其子相國嗣復知舉門生集候僕射而李公
在座時人謂之楊家上下門生有姑之壻與姪之壻
謂之上下同門 姑壻姪壻

妻姊妹 附連襟

姨 爾雅妻之姊妹爲姨

姨夫 合璧事類歐陽修與王拱宸同爲薛簡肅公子
婿文忠先娶長女拱宸娶其次後文忠再娶其妹故

有舊女壻爲新女壻大姨夫作小姨夫之句以下連襟

姪 爾雅兩壻相謂曰姪

友壻 漢書註師古曰友壻同門之壻

僚壻 山堂肆考同門壻爲僚壻

連袂 正字通宋范仲淹鄭戡並娶李昌齡女時稱連

袂今俗曰連襟

舅 附舅母

渭陽 北夢瑣言劉贊登朝其渭陽李殷衡充使番禺

按詩我送舅氏曰至渭陽故遂以渭陽名舅

姪 明道雜誌姪乃舅母字二合呼也 舅母

母姊妹 附姨夫

從母 爾雅母之姊妹爲從母亦謂之姨

姨丈人 表異錄袁聿脩爲姨丈人崔休所知蓋今之

姨夫也按姨夫謂兩婿也今皆指姨母之夫爲姨夫
矣 姨夫

甥

出 爾雅註甥謂之出以配他男而生也又男子謂姊
妹之夫曰出

外生 世說桓豹奴是王丹楊外生形似其舅

離孫 爾雅男子謂出之子曰離孫 以下甥孫

彌甥 左傳宋景公卒季康子使冉有弔曰以肥之得
備彌甥也註彌遠也康子父之舅氏故稱彌甥

姑舅兄弟 兩姨兄弟

外兄弟 內兄弟 儀禮註姑之子外兄弟也舅之子
內兄弟也山堂肆考兩姨之子爲外兄弟姑舅之子
爲內兄弟按漢來歙光武之姑子稱曰外兄是姑之
子爲外兄弟也又左傳聲伯以其外弟爲大夫是同
母異父者亦名外兄弟

舅姑

君舅 君姑 爾雅婦稱夫之父曰舅稱夫之母曰姑
在則曰君舅君姑沒則曰先舅先姑

尊章 漢書廣川王傳背尊章註尊章猶言舅姑也

官家 野客叢書吳人稱翁爲官稱姑曰家

姒姑 呂覽姑姒知之接闔中呼夫之父曰姒又曰公

賈誼策與公併偕

少姑 爾雅婦謂夫之庶母爲少姑庶姑

夫兄弟

兄公 爾雅婦謂夫之兄曰兄公以下夫兄

兄婣 韻會夫之兄曰兄婣

小郎 世說王獻之與客談理不勝嫂謝道韞遣婢曰

欲與小郎解圍夫弟

夫姊妹

女公 爾雅夫之姊爲女公夫姊

女妹 後漢列女傳昭女妹曹豐生亦有才慧託昭瑁

之妹也 以下夫妹

小姑 古新婦詩未諳姑食性先遣小姑嘗按小姑謂夫之女妹

女叔 表異錄小姑曰女妯亦曰女叔

妯娌

奴娣 爾雅長婦謂穉婦爲娣穉婦謂長婦爲奴

先後 漢書長陵女子以乳死見神於先後宛若註師

古曰古謂之娣奴今關中俗呼爲先後吳楚謂妯娌築娌 方言註關西兄弟婦相呼爲築娌

姆姆 嬌嬌 紫微雜記呂氏母母受嬌房婢拜嬌卽母母房婢拜卽答按俗兄婦呼弟婦爲嬌嬌弟妻呼

兄嫂爲姆姆卽母母也

姊妹夫 附姊妹孫

私 類苑姊妹之夫爲私詩譚公惟私

歸孫 爾雅女子謂姊妹之子爲姪姪之子爲歸孫姊妹孫

同族 附家眷

宗家 漢書韋賢與宗家計議註師古曰宗家同族也

金聚 中州啟劄稱人家眷曰金聚家眷

婚姻 爾雅婿之父爲姻婦之父爲婚

葭莩 漢書亦有葭莩之親註葭蘆也莩者其節中白

皮言其輕薄而附着也

肺附 漢書田蚡以肺附爲相註肺附謂肺肝相附着言至親也

親家 輟耕錄凡男女締姻者兩家相謂曰親家此二字見唐蕭嵩傳今北方以親字爲去聲又曰親家翁師附女師

夫子 北史斛斯徵傳周武帝以徵經有師法詔令授皇諸子宣帝時爲魯公與諸皇子咸服青衿行束脩之禮受業於徵仍並呼徵爲夫子

先生 辨名古者稱師曰先生

山長 荆湘近事五代蔣維東隱居衡岳受業者號爲

山長

戊姆

表異錄漢書女師爲戊姆

女師

徒

諸生

韓愈進學解國子先生辰人太學招諸生立館

下

友

同門

易君子以朋友講習疏同門曰朋同志曰友

友生

詩矧伊人矣不求友生

心期

文選中道遇心期按心期謂心約之友也

父執

禮記見父之執不問不敢對按父之友曰執友

友父

奴婢

儲胥 尙書大傳憎其人者憎其儲胥按儲胥婢僕也
私屬 漢書食貨志王莽居攝下令更名天下田曰王
田奴婢曰私屬皆不得賣買

臧獲 風俗通古制本無奴婢卽犯事者原之臧者被
臧罪沒入官爲奴婢獲者逃亡獲得爲奴婢也方言
罵奴曰臧罵婢曰獲

侮娠 山堂肆考秦晉之間罵奴曰侮燕齊之間養馬
及奴婢女廝皆謂之娠

青衣 蔡邕有青衣賦按青衣賤者之服故呼奴婢爲
青衣

驅口 輟耕錄今蒙古色目人之奴婢總曰驅口

長鬚 赤脚 鶴林玉露楊誠齋退休南溪之上老屋

一區僅庇風雨長鬚赤脚纔三四人按長鬚謂奴赤脚謂婢

紀綱 左傳秦伯送衛於晉三千人實紀綱之僕

以下

廝養 公羊傳廝役廝養唐皮日休記趨廝走養註云折薪爲廝炊烹爲養

蒼頭 廬兒 漢書鮑宣傳蒼頭廬兒皆用致富註漢名奴爲蒼頭亦曰廬兒

監奴 漢書霍光傳監奴馮子都頗挾權傾郡邑註監奴謂奴之監知家務者

無弋

後漢西羌傳羌人謂奴爲無弋

倉奴

晉書劉惔傳郗愔有倉奴善知文章

廝豎

唐書崔蕤爲陝虢觀察使委政廝豎

廝臺

唐書安樂公主與長寧定安三家廝臺掠民于

女

與臺

合璧事類張鎰言與臺下類主反畏之忤慢成

風漸不可長

童使

篇海男有罪爲奴曰童使

奚奴

李賀詩集序恒從小奚奴背一錦囊有所得卽

書投囊中又周禮註奚女奴也

平頭

陸游詩平頭拾澗柴按謂奴也

奴產子

漢書註師古曰奴產子猶今人云家生奴也

以下
奴子

家生兒

輟耕錄奴婢所生子曰家生兒

信

丹鉛錄古者謂使者曰信

以下使奴

屏兵

屏僕

屏伴

謝華啟秀屏兵屏僕屏伴皆古

人稱來使之名

卑人

漢書腐木不可以爲柱卑人不可以爲主按卑

人謂婢也

以下婢

家僮

漢書衛青傳青父季與王家僮衛媼通註師古

曰僮者婢女之總稱

女廝

方言官婢女廝謂之廝註女廝婦人給使者亦

名振

一生人 老學菴筆記都下買婢謂未嘗人人家者爲
一生人喜其多淳謹也予在蜀中與何摺之同閱報
狀見新進驟用者摺之曰渠是一生人宜其速進
了頭 輟耕錄吳中呼女子之賤者爲了頭劉賓客贈
小樊詩花面了頭十二三春來綽約向人時
佳口 表異錄周文謂尉遲綱曰事平當賞汝佳口謂
婢也

上清 正字通時通稱婢爲上清

鴨 中吳紀聞俗貴鵝賤鴨故呼婢爲鴨

侍兒 白居易詩茶教纖手侍兒煎

繡面、鴉頭 白居易詩繡面誰家婢、鴉頭幾歲奴、

鴉鬟 王炎詩捧顯却立鴉鬟奴

房長 房老 表異錄婢妾年久而衰退者謂之房長

亦曰房老 老婢

鼎娥 竈妾 表異錄食婢沈亞之謂之鼎娥王續謂

之竈妾 食婢

重臺 輟耕錄凡婢役於婢者謂之重臺 重婢

他人

渠儂 字典俗謂他人爲渠儂

北人

僮父 老學菴筆記南朝謂北人曰僮父或謂之虜父

吳人

吳儂 廣韻吳人自稱曰儂蘇軾詩語音猶是帶吳儂

事物異名錄卷八

慈谿 厲靜菴先生荃 原輯

仁和 關晉軒先生槐 增纂

爵位部

天子

大王 史記孝文紀所謂天王者乃天子也

縣官 史記條侯資買縣官器註縣官謂天子也

鉅公 漢書郊祀志註天子爲天下父故曰鉅公

大官 子華子天子者大官也

天家 獨斷天子以天下爲家故曰天家

大家 獨斷親近侍從官稱天子曰大家又婦稱夫亦

曰大家

陛下 獨斷謂陛下者羣臣不敢指斥天子故呼在陛下者因卑達尊之義也

宅家 資暇錄至尊天下爲宅四海爲家曰宅家

官家 湘山野錄宋李仲容舉蔣濟萬機論曰五帝官天下三王家天下兼三五之德故曰官家又舅姑稱萬乘 湘山野錄真宗初神放至闕敷對時中書盛服俟其來神止長揖而已楊大年嘲之曰不把一言裨萬乘祇又雙手揖三公

撐犁 野客叢書元晏春秋曰予讀匈奴傳不識撐犁孤塗之事有胡奴顧而問之奴曰撐犁天子也言匈奴

奴號撐犁猶漢人稱天子也

震旦 涅槃經閻浮界內有震旦按梵語稱天子爲震旦又清淨法行經震旦神州之號

太后

孃孃 龍川雜志仁宗謂劉氏爲太孃孃楊氏爲小孃孃按此則母后稱孃孃

皇后

中宮 周禮內宰疏漢舊儀稱皇后爲中宮

皇嬪 後漢書祁祁皇嬪言觀貞淑註嬪亦儷也言諸后皆示其貞淑配皇爲儷

元妃 晉書后妃傳爰自復古是謂元妃降及中年乃

稱王后

帝匹 五代史唐家人傳后帝匹也至尊之位孰敢干之

天下母 後漢馬皇后傳詔曰吾爲天下母而身服大練

忒里蹇 遼史國語解忒里蹇皇后之稱

太子

胄子 書教胄子傳胄長也蓋謂世子也

丕子 書是有丕子之責於天按丕子卽元子也

冢子 左傳太子奉冢祀社稷之粢盛故曰冢子君行從曰撫軍守曰監國

元子 禮記天子之元子

儲副 漢書疏廣曰太子國之儲副

儲君 副主 後漢桓榮傳古今儲君副主莫能專精博學

前星 帝儲 晉書天文志北極前星爲太子又五帝坐北一星曰太子帝儲也

東儲 南齊書太子曰東儲

儲兩 魏書肅宗紀潘充華有孕椒宮異誕儲兩而熊羆無兆維虺遂彰

阿長逋 唐書環王列傳環王本林邑也呼太子爲阿長逋

儲貳 山堂肆考宋至道初上謂李至等曰太子立爲
儲貳當須正人輔之

副后 梁元帝賦惟天縱於副后踰啟誦而推首

副君 文心雕龍文帝以副君之重妙善詞賦

副兩 唐明皇立皇太子制承之副兩所以安固宗祧
少海 文選恩覃少海之波按天子比大海太子比少
海

公主 附王女

任 漢書王莽傳其女皆爲任又云辟任附城食其邑
註辟君也任公主也

帝子 楚辭註帝子尹文也

帝姬 會要政和間詔改公主爲帝姬郡王爲宗姬縣王爲族姬

天姬 山堂肆考公主曰天姬亦曰寵王

君主 丹鉛錄秦始皇以君主妻河君主猶後世公主也

長公主 大長公主 山堂肆考帝之姊妹爲長公主

帝之姑爲大長公主 帝姊妹姑

太主 漢書東方朔傳帝姑館陶公主號竇太主又帝

姑名王主 帝姑

翁主 山堂肆考天子女尊令諸侯同姓者代主婚故

曰公主諸王女卑自主之故曰翁主 王女

帝壻 附郡王夫

駙馬 初學記魏晉之後尚公主皆拜駙馬都尉

粉侯 宋史刑法志俗稱駙馬都尉爲粉侯人以王師約故呼其父堯臣爲粉父又長編韓嘉彥尙主其兄忠彥則粉昆也

郡馬 歸田錄皇女爲公主其夫必拜駙馬都尉故謂之駙馬宗室女封郡王者謂夫爲郡馬縣王者爲縣馬不知何義也 郡主夫

宗室

仙源 宋四朝志修纂牒譜圖籍其別有五一日仙源積慶圖又鼻亦名仙源

天潢 庾信蕭公墓銘支分若水派別天潢按謂宗室

也

瓊枝班

解醒語親王謂之瓊枝班

親王

金枝玉葉

山堂肆考金枝玉葉謂王孫公子也見六

帖

以下帝後

龍種

杜甫詩高帝子孫盡隆準龍種自與常人殊

外戚

椒蘭班

解醒語外戚謂之椒蘭班

宗正

司宗卿

司屬卿

歷代沿革宗正唐龍朔中改爲司

宗卿光定初改爲司屬卿

冷卿

蘇軾詩註宗正爲冷卿

宰相

柱石臣 漢書元后傳丞相王商國家之柱石臣也

相室 漢書五行志不當實而實易相室註相室猶言相國謂宰相也

上公 漢書翟方進曰春秋之義尊上公謂之宰

鼎司 後漢楊秉傳三公鼎司無所不統

台鼎 後漢陳球傳位登台鼎天下瞻望

衡宰 台宰 後漢酈炎傳炎作詩云絳灌臨衡宰又

謝弼傳台宰重器國命所寄

百揆 後漢百官志百揆堯初別置周更名冢宰

台輔 魏志袁術傳註馬日磾歷位九卿遂登台輔

鼎輔 魏志崔琰傳涿郡孫禮盧毓始入軍府琰曰皆公才也後咸至鼎輔

元老 王隱晉書王祥拜太保制曰耆艾元老高行清粹

台槐 梁書呂僧珍傳參任台槐式隆朝寄

台司 南史王僧虔辭台司

台鉉 北史韓軌傳軌以勲庸歷登台鉉

上袞 北史侯莫陳崇傳論茂績元勲位居上袞

台袞 北史尉遲迴傳論地則舅甥職惟台袞沐恩累

葉荷瞻一時

婆漫地 唐書環王列傳環王木林邑也呼宰相爲婆

漫地

堂老 國史補宰相相呼曰堂老

相公 老學菴筆記蔡攸初以淮康節領相印徽宗賜
曲宴因語之曰相公公相子蓋是時京爲太師號公
相攸卽對曰人主主人翁

鉉司 褒位 山堂肆考江淹表鉉司崇貴褒位淵嚴
台座 冢司 山堂肆考宋璟謝表再升台座三入冢
司

鼎臣 山堂肆考姑臧集謂宰相爲鼎臣又曰鼎位
老鳳 山堂肆考宋時以丞相爲老鳳

糾繯中人 原化記李藩爲判官有新羅人相曰判官

是紗籠中人凡宰相姓名冥司必以紗籠護之恐爲異物所擾後果爲相

元輔 陸雲丞相陸公誅將庸元輔相維天子

元台 宋綬史院賜筵詩元台來率屬賜會寵刊書
中書

內史 野客叢書隋祖諱忠改中書爲內史

紫薇郎 白居易詩絲綸閣下文章靜鐘鼓樓中刻漏
長獨坐黃昏誰是伴紫薇花對紫薇郎

六押 以下舍人 唐書李泌傳給舍分司押字故舍人謂之六押

小鳳 山堂肆考宋以紫薇舍人爲小鳳

翰林

內相 唐書陸贄入翰林常居中叅裁可否時號爲內相

林牙 宋史孝宗紀諜言故遼大石林牙假道夏人以伐金按遼以翰林爲林牙

詞林 玉海王洙爲學士仁宗以飛白詞林二字賜之
門客 唐李衛公詩話武后曾宣諭翰林院官云卿等是我門客

清平官 玉谿篇註南詔謂詞臣曰清平官

省官 老學菴筆記舊謂館職爲省官

仙職 續翰林志詞臣實神仙之職

私人 歐陽修謝入翰林表待遇寵榮至有私人之目
一條冰 韻府羣玉陳彭年翰林清秘入謂官銜爲一
條冰

鸞坡 石林燕語俗稱翰林學士爲坡蓋唐德宗時嘗
移學士於金鸞坡上故亦稱鸞坡 以下學士

大鳳 山堂肆考宋以翰林學士爲大鳳

螭頭 國史補兩省譴起居郎爲螭頭以其立近石螭
也 起居注

詹事

端尹 宮尹 少尹 唐書詹事曰端尹又曰宮尹少
詹事曰少尹

儲端

宮端

事文類聚太子詹事號曰儲端亦曰宮

端

門下坊

典書坊

山堂肆考北齊始有門下坊典書

坊唐龍朔中改門下坊爲左春坊典書坊爲右春坊

左右春坊

中護

山堂肆考周禮諸子掌國子之倅諸子卽庶子

也唐龍朔中改曰中護庶子

內允

通典永徽三年改中允爲內允避皇太子諱故

也

以下中允

中舍人

通典中允在庶子下洗馬上唐改太子中舍

人

司經大夫 桂坊大夫 山堂肆考洗馬掌太子圖籍
經書隨置司經局唐改司經大夫又曰桂坊大夫洗馬
尚書

中臺 謝靈運晉書漢以尚書爲中臺

大常伯 山堂肆考唐改尚書爲大常伯

喉舌 表異錄尚書爲喉舌亦有稱喉唇者

八座 顧真子尚書謂之八座其來久矣然學者少究
其源此事載於晉書職官志甚詳

侍郎

少常伯 山堂肆考唐改侍郎爲少常伯

貳卿 山堂肆考尚書六曹各置侍郎一人以貳尚書

之職蘇東坡除陸佃制文昌貳卿位次八座

丞郎 老學菴筆記唐所謂丞郎謂左右丞六曹侍郎也

員外

散郎 副郎 通典員外謂之散郎亦謂副郎

吏部

選部 歷代沿革漢有選部尚書魏改爲吏部

選官 梁書王仲通能接人士人士願其居選官

銓部 宋史選舉志官人之道在銓部則宜守成法

冢宰 周禮乃立天官冢宰使率其屬而掌邦治

尚書

小宰 朱除傅堯俞制吏部古之天官而侍郎小宰之

職侍郎

小選 山堂肆考緒翔居小選不爲請囑易意按小選謂吏部郎也又謂之小銓 以下文選司郎中

司列大夫 歷代沿革唐龍朔中改選郎爲司列大夫

司績大夫 六典唐龍朔中改考功郎爲司績大夫

考功司郎中

主爵郎 司封大夫 歷代沿革司封郎中舊主爵郎

也唐龍朔中改司封大夫 以下驗封司郎中

執秩 左傳晉文公作執秩之官按卽唐司封也

司勳大夫 歷代沿革司勳郎中唐龍朔中改司勳大

夫按卽今稽勳司也 稽勳司郎中

南曹 唐六典吏部員外郎謂之南曹以其曹在銓曹之南故云 以下員外

省眼 山堂肆考舊說吏部員外郎爲省眼

戶部

民曹 民部 歷代沿革漢成帝置尙書五人其三曰民曹魏文帝置度支尙書宋齊度支尙書領度支金部倉部起部四曹隋開皇初改爲民部唐以廟諱改爲戶部

司元 歷代沿革唐龍朔中名戶部爲司元

人部 人曹 海錄碎事魏爲人部人曹皆戶部也

辭曹 齊東野語羊祜爲荊州州呼戶曹爲辭曹

版使 佳話錄唐韋煥辭判戶部歸謂甥姪曰已讓版使矣

版曹 癸辛雜識沈夏爲版曹貳卿一日上問版曹財用幾何夏一一奏對訖於所佩夾袋中取小冊進呈無毫髮差上大喜

念珠曹 通典戶部諺云念珠曹以戶部官日俸一百八也

農父 書農父若保註農父司徒也主農

以下尙書侍郎

司農卿 司稼卿 通典漢曰大司農梁曰司農卿唐改司稼卿耕餘稿猥漸芻賤濫辱稼卿

地官卿 唐六典戶部尙書周之地官卿也

走卿 蘇軾詩註京師謂司農爲走卿

司度大夫 歷代沿革度支郎中唐龍朔中改司度大

夫按其職今分隸本部諸司凡每司郎中皆是也

以下

各司郎中

計相 通典漢張蒼善算以列侯主計居相府領郡國
土計者謂之計相按卽度支郎中也

司珍大夫 歷代沿革金部郎中唐龍朔中改司珍大

夫按今諸庫及寶局郎中皆是也

諸庫寶局郎中

司庾大夫 歷代沿革倉部郎中唐龍朔中改司庾大

夫又曰司儲按今諸倉監督是也

諸倉監督

禮部

秩宗 書伯夷汝作秩宗按秩宗典禮之官

司宗 北史盧辯傳保定四年改禮部爲司宗

儀曹 通典隋改禮部爲儀曹

清曹 周必大謝除禮部侍郎表宗伯古之清曹

宗伯 周禮乃立春官宗伯使率其屬而掌邦禮以下

郎付

容臺 容卿 漢書百官表註禮樂官知禮容故禮部

稱容臺柳宗元文以容卿之位贊是方岳註謂容臺

又山堂肆考太常寺亦名容臺

春卿 孫逖詩秋憲府中高唱入春卿署裏和歌來按

春卿謂春官宗伯

大儀 字典唐禮部之長曰大儀

名表郎官 元豐官制禮部郎中謂之名表郎官別有

印按隋禮部尚書屬有四一曰禮部郎今儀制司也

以下儀制司郎中

南宮舍人 聞見錄禮部郎中掌省中文翰謂之南宮

舍人

司禋大夫 歷代沿革晉江左有祠部尚書掌廟祧之

禮隋改爲禮部尚書屬有四一曰禮部二曰祠部三

曰主客部四曰膳部祠部郎中唐龍朔中改司禋大

夫祠祭司郎中

司蕃大夫 歷代沿革主客郎中唐龍朔中改司蕃大

夫主客司郎中

中儀 山堂肆考唐人以禮部員外謂之中儀一說是郎中 以下員外

瑞錦窠 山堂肆考舊說禮部員外郎爲瑞錦窠

小儀 山堂肆考唐人以禮部主事謂之小儀亦曰少儀一說是員外郎主事

兵部

樞省 縉雲司 古今考兵部曰樞省又曰縉雲司

武部 歷代沿革漢置五曹未有主兵之任魏始置五兵尙書後魏有七兵尙書隋改兵部尙書統職方兵部駕部庫部四曹唐改武部

圻父 司馬 書圻父薄遠註圻父司馬也主封圻又
詩作祈父 以下尚書侍郎

夏卿 張說送王駿巡邊詩六月歌周雅三邊遣夏卿
按駿時爲兵部尚書乃夏官也

司戎大夫 歷代沿革兵部郎中唐龍朔中改司戎大
夫 武選司郎中

司城大夫 通典唐改職方司爲司城掌天下之地圖
城隍鎮戍烽候等事 職方司郎中

司輿大夫 歷代沿革駕部郎中唐龍朔中改司輿大
夫按卽今車駕司也 車駕司郎中

司庫大夫 歷代沿革庫部郎中唐龍朔中改司庫大

夫按卽今武庫司也武庫司郎中

刑部

士官 書臯陶汝作士通典唐虞之際士官以正五刑
準人 準夫 書註準人平法謂士官又疏準夫者平
法之人

都官 司憲 歷代沿革宋齊梁陳並有都官尙書隋
改爲刑部尙書統都官刑部比部司門四曹唐改爲
司憲

憲曹 通典隋改刑部爲憲曹

長流 表異錄古呼治獄參軍爲長流帝王世紀云少
昊崩其神降於長流之山於祀主秋秩官司寇主刑

罰故取秋帝所居爲嘉名也

少吳司 韓愈酬鄆州馬尚書詩仍選少吳司註秋帝少吳主刑刑部古之秋官也

司寇 周禮乃立秋官司寇使率其屬而掌邦刑尚書侍郎

司僕大夫 歷代沿革都官郎中唐龍朔中改司僕大夫按司僕掌簿錄配沒官私奴婢卽周禮司隸職也今分隸本部諸司無專職各司郎中

比部 司計大夫 歷代沿革比部郎中唐龍朔中改司計大夫按司計掌勾檢內外賦歛經費出納逋欠之政今亦分隸戶部諸司無專職附

工部

起部 冬官 歷代沿革晉宋有起部尙書不常置隋
有工部尙書唐武后改爲冬官神龍中復舊

起曹 通典隋改工部爲起曹

司平 通典唐龍朔中改工部爲司平

劇曹 山堂肆考張元方制工官號爲劇曹

共工 書帝曰咨垂汝共工

司空 書司空掌邦役居四民時地利 以下尙書侍郎

宏父 書宏父定辟註宏父司空也主廟地居民

匠卿 隋書百官志大匠卿掌土木之工按卽今營繕

司也又曰匠卿 營繕司

虞部 歷代沿革唐工部尙書總判工部屯田虞部水

部按工部卽今營繕司虞部卽今虞衡司

司川 唐書水部改曰司川按卽今都水司也

司水大夫 歷代沿革工部郎中唐龍朔中改司水大

夫按工部疑爲水部卽今都水司郎中也

以下都水司郎中

大舟卿 隋書百官志大舟卿梁初爲都水臺七年改

爲主舟航隄渠按尙書侍郎始得稱卿其職統營繕

都水二司故匠卿舟卿皆指長官而言非卽本司郎

中也以其事各有司故分列於此

司田大夫 歷代沿革屯田郎中唐龍朔中改司田大

夫按今屯田司管陵墳採捕等事非復古之屯田也

屯田司

郎中

御史

憲臺 謝靈運晉書御史曰憲臺

西臺 因話錄李栖筠爲御史大夫後人不名者呼爲西臺不知出何故事豈以其名上栖字遂呼之耶

風霜任 通典御史爲風霜之任

耳目官 山堂肆考唐韋思謙進御史大夫曰耳目官

固當獨立

言官 韻府羣玉諫官曰言官

驄馬郎 白居易詩愁殺多情驄馬郎

中丞 漢官解詁建武以來省御史大夫官屬入蘭臺特置中丞一人以總之其權次尙書

以下都御史

臺主 謝靈運晉書漢罷御史大夫以丞爲臺主御史中丞是也

南司 南史江淹傳少帝初兼御史中丞明帝謂淹曰今爲南司足以震懾百官也

烏衣郎 南史王僧虔爲御史中丞曰此是烏衣郎坐處

憲長 通典中丞當爲憲臺之長

中司 皇甫冉詩中司印綬榮按謂中丞也

亞相 白居易行李元昌制亞相之秩威重寵榮按謂御史中丞也

任下史 歷代沿革周制御史在殿柱之間故謂之柱

下史秦改爲侍御史 以下侍御史

臺端 端公 通典侍御史號臺端他人稱曰端公

殿中司 元史百官志殿中司殿中侍御史凡百官失儀失列則糾罰之

臺郎 唐授李彤王源中侍御史制臺郎憲吏金印銀章

六察官 山堂肆考唐以御史分察尚書省六司故謂六察官 以下監察御史

開口椒 賈至忠御史本草監察爲開口椒

給事中

東臺舍人 山堂肆考唐改給事中爲東臺舍人

黃門 通典齊世呼給事黃門爲小門下

夕郎 漢舊儀黃門郎日暮入對青瑣門拜名曰夕郎

通政司

納言 書命汝作納言夙夜出納朕命按納言卽今通政司也

匭使 唐書垂拱中置匭使院主申天下之滯宣萬人之情

銀臺 宋史有通進銀臺司按卽今通政使也

承進司 齊東野語本朝章憲太后父諱通改通進司爲承進司

大理寺

廷尉 秋卿 歷代沿革秦置廷尉西漢改曰大理東漢又曰廷尉梁曰秋卿唐改爲祥刑寺

司刑卿 山堂肆考唐陳子昂爲司刑卿讓官表榮加天寵職察雲司按唐謂大理寺爲司刑卿

棘卿 事文類聚大理稱棘寺卿爲棘卿

太常寺

奉常 司禮卿 歷代沿革秦曰奉常掌宗廟禮儀漢改曰太常唐光宅初改司禮卿

清選 正字通立國之本禮樂爲先今之太常實掌其事歷代迄今謂之清選

曲臺 字典王彥威爲曲臺新禮三十卷故太常稱曲

臺

大儀 避暑錄話唐人謂太常卿爲大儀又禮部之長亦曰大儀 正卿

清卿

韻府羣玉袁聿修爲太常少卿號清卿

以下少卿

奉常大夫 歷代沿革太常少卿唐龍朔中改奉常大夫

太僕寺

司馭卿

司僕卿

歷代沿革太僕卿唐龍朔中改爲

司馭卿光宅初改爲司僕卿

冏卿

廣事類賦周王命伯冏爲卿按書伯冏爲太僕

正故號太僕卿爲冏卿

光祿寺

太官 後漢百官志太官令一人掌御飲食

司宰卿 司膳卿 歷代沿革光祿卿掌設膳唐龍朔

中改爲司宰卿光宅初改爲司膳卿

司鼎 蘇頌送光祿勳詩不授綸爲草還司鼎作梅

飽卿 蘇軾詩註京師謂光祿爲飽卿

鴻臚寺

大行人 大行令 司文卿 司賓卿 歷代沿革周

禮大行人漢更名大行令武帝改大鴻臚唐龍朔中

改司文卿光宅初改司賓卿

典客 通典秦官有典客掌諸侯及歸義蠻夷按卽鴻

臚職也

典屬國 通典秦時又有典屬國掌蠻夷降者漢升大鴻臚按今鴻臚寺但司鳴贊序班而已至接待遠夷等事別隸理藩院及四譯館

睡卿 蘇軾詩註京師謂鴻臚爲睡卿

國子監

大司成 少司成 歷代沿革漢置博士十四人以一人爲祭酒唐改祭酒爲大司成置司業二人爲少司成有監丞博士直講助教學錄學正等官 祭酒司業師氏 蔡邕勸學篇周師氏居虎門卽今祭酒也漢白虎觀其義取此 以下祭酒

國師、歷代沿革齊梁號祭酒爲國師又韓愈詩三年國子師

一位元長 通典胡廣言祭酒一位之元長古者賓得主人饌則老者一人舉酒以祭地故以祭酒爲名

欽天監

羲和 馮相 保章 歷代沿革堯有羲和之官周又有馮相保章按皆欽天監職也

日官 左傳天子有日官

太史公 通典後漢太史令掌天時星歷隋屬秘書省太史曹置令二人唐光宅初改爲渾天監肅宗改爲司天臺

天部 拾遺錄宋子韋世司天部妙觀星緯梓慎裨竈
之儔

壺郎 表異錄掌漏官曰壺郎

漏刻科

府尹

京兆 通典周官有內史秦因之掌治京師漢景帝置
左右內史武帝更名右內史爲京兆尹左內史爲左
馬翊又更都尉爲右扶風是謂三輔治長安中

鑾儀衛

煖卿 蘇軾詩註京師謂衛尉爲煖卿謂其管儀鑾供
帳之類

侍衛

爪士 詩祈父予王之爪士

環尹 左傳楚穆王立以潘崇爲太師且掌環列之尹
巖郎 後漢百官志羽林郎本武帝以便馬從獵還宿
殿陛巖下故號巖郎按羽林宿衛之官言其如羽之
疾如林之多也

區士 臆乘衛士稱爲區士

侍從

清貫 正字通侍從之官曰清貫柳宗元文累歷清貫
茂蒸名節

九門提督

金吾 通典漢金吾緹騎二百人持戟五百二十人陪

改金吾爲左右武侯衛所領軍士名欽飛按卽今九門提督是也

式道侯 漢書百官表式道左右中候侯丞掌微巡京師武帝更名執金吾東方朔傳宋萬爲式道侯巡城

司隸 通典漢置司隸掌諸巡察按今巡城是也卧虎 傅咸傳司隸校尉舊號卧虎誠以舉綱而萬目理提領而衆毛從者也

宦官

寺人 詩巷伯篇寺人孟子按巷是官中道名伯長也主宮內道官之長卽寺人也

涓人 吳語見其涓人註今之中涓居中而涓吉者也

刑臣 漢書刑臣石顯用事註師古曰石顯宦者故曰

刑臣

腐夫 後漢陳蕃傳論與刑人腐夫同朝爭衡終取滅亡之禍

宮人 後漢書宮人出入多能有所毀譽其中耆宿皆稱中大人按宮人卽宦者也

私白 唐書宦者傳宦宗時諸道歲進閹兒號私白

中官 玉泉子諸道每歲送閹人所謂私白者閹爲首焉且多任用故時以閹爲中官藪澤

奄尹 蔡邕月令問答奄尹者內官也主宮室出入宮

中

薰子 山堂肆考宦者謂之薰子

品官 正字通唐宦官曰品官

常侍 大長秋 歷代沿革漢有中常侍贊導內事魏有大長秋

督撫

開府 山堂肆考唐武元衡爲劍南西川節度使開府極一時之選按節度使如今督撫是也

節鎮 明雷禮列卿紀巡撫總督至嘉靖始定設所謂節鎮是也

府公 劉禹錫詩府公既有朝中舊司馬應容醉後狂

按唐幕僚稱節度觀察使爲府公蓋沿大朝王府臣僚稱其王爲府公之舊

學院

郢匠 皇甫冉上禮部詩郢匠掄材日輟輪必盡呈
布政使

价人 詩价人維藩按今布政稱藩司是也

方伯 啟儁職官志布政司古方伯爲一州之表帥
按察使

提點 觀察 山堂肆考宋置諸路提點刑獄卽今按察使也宋諸州觀察使亦是其職

廉鎮 天中記李德裕身居廉鎮獻丹戾六箴按廉鎮

謂採訪使卽宋之觀察也

廉使 通典官制有廉訪使廉使正字通今稱臬司

連帥 山堂肆考古有方伯連帥之職連帥卽今按察使又太守亦有連帥之稱

司臬 吳澄詩天書下司臬

糧道

轉運使 宋史李廵爲轉運使以小冊記兵及糧以備調發按卽今糧道是也

知府

二千石 漢書宣帝紀與我共治者惟良二千石乎按二千石指郡守也

太守 通典秦分天下爲三十六郡郡置守秩二千石
漢景帝更名郡守爲太守

刺史 歷代沿革刺史卽古太守之任也漢晉以來太守
守間以刺史稱唐改太守曰刺史又改刺史曰太守
連率 後漢馬援傳援兄員時爲增山連率註連率亦

太守也率卽帥字

神君 南史梁孔英守晉陵號曰神君

師帥 唐書褚遂良傳刺史民之師帥也

五馬 泊宅編謂太守爲五馬者多疑所出據詩子子

千旗良馬五之鄭氏云建旗州長之屬殆以是乎

閣下 因話錄郡守比古諸侯亦有閣故皆稱閣下

節下 鈴下 第下 謝華啟秀唐稱太守曰節下又

曰鈴下又曰第下

專城伯 蘇頲詩所貴專城伯按謂郡守也

使君公 白居易詩相迎勞動使君公

同知

別駕 治中 長史 司馬 通考秦置郡丞以佐守

在邊爲長史漢設別駕治中隋改爲長史司馬唐曰

別駕凡刺史行部從事別乘一乘傳車從行故謂之

別駕又兵部名司馬

上佐 職源別駕長史司馬通謂之上佐

半刺 庾亮答郭豫書別駕舊與刺史別乘同宣王化

於萬里其任居刺史之半白帖居半刺之任
端僚 事文類聚清就端僚之列按謂長史也

通判

同判 齊東野語章憲太后諱通嘗改通判爲同判
監州 青箱雜記宋通判與知州爭權每云我是監郡
有錢昆嗜蠨嘗求補郡曰但得有蠨無通判處蘇東
坡詩欲問君王乞符竹但恨無蠨有監州

倅 表異錄賓退錄曰三司副使曰筵通判曰倅筵倅
皆副貳之名

知州

所由 唐書崔成傳丞相不宜與所由咕囁耳語按所

由謂州郡官也

守屏 山堂肆考守屏謂州牧也

知縣

令長 漢書百官表縣令長皆秦官掌治其縣

明府 明廷 表異錄唐人稱縣令曰明府漢人謂之明廷見張儉傳

雷封 六帖雷震百里故其令稱雷封

慈君 太平御覽梁張譚令和寧號慈君

茂宰 山堂肆考漢卓茂爲密令有聲故用以比宰邑者

縣丞

長吏 漢書景帝紀縣丞長吏也

贊府 贊公 容齋隨筆唐呼縣丞爲贊府又謂贊公

見李白集

縣尉

少府 少公 容齋隨筆唐呼縣尉爲少府又謂少公

主簿

仇香 野客叢書文士有因其人名遂爲事用者如近日呼主簿爲仇香之類

驛丞

亭父 風俗通漢家因秦十里一亭亭長者一亭之長率也舊名負弩今改爲亭長陳楚宋衛謂之亭父按

今驛丞卽古亭父遺意

學官

廣文 唐書鄭虔元宗愛其才爲置廣文館以虔爲博士按杜甫有戲簡鄭廣文虔詩今概以學官爲廣文博士 通典唐府郡置經學博士各一人掌以五經教授

文學掾 歷代沿革漢魏以來郡國各有文學掾按卽學官也

冷官 杜甫詩廣文先生官獨冷

將帥

丈人 長子 易師貞丈人吉又長子帥師按丈人長

子皆謂王將也

元老 詩方叔元老克壯其猶又宰相亦名元老

元戎 詩元戎十乘以先啟行

精夫 後漢南蠻傳名渠帥曰精夫

關吏

關候 山堂肆考關候候關之吏也

俸祿

鶴料 墨莊漫錄唐幕府官俸謂之鶴料

稍食 正字通周禮謂羣臣祿食爲稍食今月俸是也

餐錢 正字通官司月俸曰餐錢漢高后紀列侯幸得

賜餐錢